



Universitätsbibliothek Paderborn

Acta Pacis Westphalicæ Publica

Oder Westphälische Friedens-Handlungen und Geschichte

Worinnen enthalten, was vom Monath April, biß zu Ende des Jahrs 1646.
zwischen Jhro Römisch-Kayserlichen Majestät, dann den Beyden Cronen
Franckreich und Schweden, ingleichen des Heiligen Römischen Reichs
Chur-Fürsten, Fürsten und Ständen, zu Oßnabrück und Münster gehandelt
worden

Meiern, Johann Gottfried von

Hannover, 1735

VD18 90103122

Epistola II. Scipioni Scaligero S. P. D.

[urn:nbn:de:hbz:466:1-52163](#)

dus, quam aliam in Imperio familiam esse, quæ Cæsarii culminis nomen, splendorem, onere sustinere possit, quam Bavaram? Cateros Catholicos, Bavari consilia sequi solitos, vitato periculo & Bonorum Ecclesiasticorum incremento auctos, operiri futura & præsentibus frui, pro solatio habituros. Nam Gallica amicitia constanter aut secus usuros, prout conduceat, & aliorum temporum alia consilia fore. Inter haec Protestantes à summa spe in extremam rerum omnium desperationem dejectos, a se, a Svecis derelictos, bello impares, pacem non nisi precariam habituros. Prævertendum igitur in ista commodorum damnorumque dubia astimatione, in isto sperandi timendique confinio: &, dum licet, aequis conditionibus cum Catholicis transfigendum esse. Id quoque ad Pacis durationem præcipue valitum: quam simus habituri bonam firmamque, si leges utrinque honestæ; inconstantem ac infirmam, si secus. Postremo horum quoque facilitatem superat Saxonia Elector, qui ubique nimium existimat, quod ultra Pragensi Tractatu indulta petitur: fatis a Catholicis concessum afferens, & iniquum aut tempestivum, tanta pertinacia supra contendere; cedendum, atque exterris armorum prætextum statim e manibus excutiendum, hortatur. His opinionum dissidiis imbuti, Protestantium animi hodie Lengeranæ convenient.

Deum immortalem precor, ut ea illis consilia suggerat, quæ moderationi propiora, ad pacis confectionem viam sternere valeant. Nam id quidem animo meo certum atque indubitatum habeo, Ordinum concordiam, ad totius negotii exitum permultum conferre posse: Quicquid in illo Conventu decreturi sunt, proxime ad te perscribam. Interea vale. Illusterrime Scaliger, & me ama. Monasterii, Augsti eioc XLVI.

EPISTOLA II.

SCIPIONI SCALIGERO S. P. D.

Spero Illusterrime Scaliger, literas, quas XVI. Calend. Septemb. ad te dedi, tibi redditas: ex quibus, quo in statu sit negotium Pacis, quod a sesquianno hic tractatur, aliquatenus intelligere potuisti. Et quandoquidem in illa Austriacorum cum exteris, Catholicorum cum Protestantibus, & horum inter se multiplici dissensione nihil adhuc promotum, sed omnia quasi inelutabilibus implicata difficultatibus sunt, inde sane peregrinam, aut potius nullam pacis confiendæ spem superesse, concludendum videtur: Esse tamen, quæ Austriacis fiduciam, contra federatis Regibus, quanquam sollicitè degentibus, metum addere possint, quod priori Epistola leviter tetigi, nunc explicatus perscribendum est. Scripsoram, eo ipso, quo meas ad te exarabam, die Protestantium inter se discordantium Delegatos Lengericæ convenisse. Convenerunt, deliberarunt, placuit aliquam multa de priori conditionum propositarum rigore remittere; Annus, à quo ablata restituī debet, quem Catholici hujus leculi vigesimum septimum, postea vigesimum quartum, Protestantes decimum octavum constituerant, nunc ad Vigesimum Primum resiguntur.

Bonorum Ecclesiasticorum possessio, eorum utique, quæ Imperio obnoxia sunt (Immediata vocant) ad C. annos restringitur. Reservati (quod appellant) Ecclesiastici abolitio, tantis olim studiis ac prope convitiis efflagita, silentio transmittitur. Quam Religionis libertatem in Cæsaris patrimonio degentibus subditis, ut necessariam Paci conditionem proposuerant, eam libertatem nunc precibus tantum (sed quas rejiciendas non dubitant) à Cesarea Majestate pertinet. Hæ sane conditiones tales sunt, quæ, si nondum per placere Catholicis possunt, tamen ulteriori negotiationi viam percludere

non

non debent. Nondum quidem haec Pax est; sed ad summum enitentibus primo gradui insistere non nihil est. Et haec prima Cæsareanis sperandi causa.

Quanquam ut hoc quoque addam, ego quidem felicitati Germaniae intercedere, turbasque armis suis cire perrexerint, communis opera, junctisque armis pellendos. At in tantum adulto malo, adeò exhaustis Principum viribus, tot externæ potentiae munimentis, Exercitibus, Civitatibus, arcibus, statim cessuros, velut ad Edictum Prætoris, Gallos Svecosque, id vero creditu difficillimum est. Bello haud dubiè atroci, ancipi, & fortasse victoribus ac vietiis exitioso opus erit, ad exturbandos qui abire recusabunt. Et qui Henrici II. Galliæ Regis exemplo sententiam suam tuentur, vehementer profecto errant, temporum rerumque conditionem longe diversissimam minime reputantes. Pace quoque Prægensi, iisdem finibus, eadem spe confata, quid effectum, nisi ut implacabilius asperatis Exteris, & reliquis de diffidentia nihil remittentibus, valentius bella resurgerent? Porro amicis potius quam inimicis in futurum vicinis Regibus utamur, vel maximè ad pacis stabilimentum firmitatemque spectat. Quis enim facile credat, tantæ tamque singularis ac prope divinæ Cæsarem fore mansuetudinis, ut si Comitia, securitatem Rebellibus datam, deliberandi licentiam, pacem, denique omnia invito extorta ereptaque ceteri non meminissent, ipse obliviscatur. Quæ cautio, quis sponсор erit conuentorum? Certe nisi ad externa secedera regressum illi habeant, hic metuat, nulla pactorum, nisi in libidine Cæsaris, fides erit. Alterum Cæsareana fortunæ speique argumentum est, ad verforum Gallicorum ad Orbitellum successus. Jam illud victoriarum inoffenso haetenus cursu progressis, satis erat de fortuna conquerendi materia, Orbitellum non cepisse. At præterea cæsos fugatosque fuisse, tredecim majora tormenta amisisse, Hispani Consiliatoris beneficio salvum sibi abitum pepigisse, Hispanos omnes captivos sine lytro dimisisse, postrem Telamonis & Sancti Stephani portibus, atque adeò tota Hetruria cessisse; Ea vero nimia honoris atque famæ jactura est. Intendunt hinc metum inde fiduciam, quæ ex Hispania & vicino Belgio nunciantur de Ilerdanæ obsidionis dubio eventu, & magno Gallorum numero ad Mardicum cæso, quos inter plurimi ex primaria Nobilitate, tanquam vilissimus & facillimus sanguis. Sed invalescit magis magisque molestissima Gallis & ingratissima fama, Batavis cum Hispano convenisse; Compertum habeo, Thulierium illum inter Danos atque Svecos paulò ante conciliata Pacis authorem, nuper Hagæ Comitis in Senatu gravissima libertate conquestum, idque postridie scripto repetiisse, quod contra pacta anni 1624. quibus constitutum erat, neque Gallos sine Belgis federatis, neque hos sine illis, sed utrosque simul pacis cum Hispano negotium tractatueros, Ordinum Legati Monasterii agentes non modo incisi Gallis colloquia & consilia miscuerint, sed etiam in unum & septuaginta articulos convenerint, quibus de omnibus partium controversiis transfigebatur. Eos articulos à tribus ex Legatorum numero signatos, nullâ planè sociorum factâ mentione. Adjiciebat, Equitum Magistrum Guichium cum sex mille auxiliaribus, ut convenerat, missum ab Ordinum in exercitu delegatis rejectum monitumque, ut retro cederet. Nec minus à bona fide alienum esse, quod naves ab Ordinibus promisæ, quibus Mardicæ obsidium promoveretur, nondum comparuerint. Quibus rebus effectum sit, ut inde difficilior cum Hispano negotiatio evaserit: hinc omne belli onus solis Gallis incumbat. Igitur sui muneris esse, quid animi, quidve consilii habeant, Ordines exactè scire, deque eo certiorem facere Regem: Nolle tamen credere, homines tam sapientes, tamque Gallia haetenus amicos, dictum cuiusdam, cuius nonnullæ in Republica partes, probaturos, jus fasque esse Batavis Gallos decipere, afferentis. Responsum est à senatu non statim, sed, ut dubitantes agnosceret, vigesimo tertio post die; de Guichio plane nihil; Naves

ves initio missas, sed post tanquam non necessarias, & ut Lembos quosdam pyraticos persequerentur, stationem deseruisse, pacem cum Hispano tractatam, non conclusam: sine Federatorum consensu, nullam fore. Speciosa verbis, re inania! Et allatum quidem fuit paulo post, Gallorum copiis Batavum Exercitum auctum, & naves ad Mardicum comparuisse. Ipse quoque Princeps Auriacus quadam prope Antwerpianam Castella occupavit, qua tamen est vestigio ab Hispanis recepta sunt. Verum ista parum aut nihil Hispanos movent; Neque agere serio Auriacum credunt. Imitamenta belli esse, praeter inanem armorum ostentationem nihil valitura; qui bustamen Gallico federi uteunque satisfiat. Quin imò ita inter ipsos Battavosque conventum ajunt, ut a statis reliquum, inoffensa pacificatione inter arma transfigere liceat.

Aliam Gallis tempestatem minantur Hispani ab adversa Britannia, quam quidem, quibus Batavorum Rempublicam increscentis Galliae potentia terribibus agitata, amicitiam ac fœderam cum Hispanis meditari afferunt, præterea in illud quoque secretum se penetrasse credunt, non esse sinceram omnique scrupulo carentem Federatorum amicitiam. Compertum fare habeo, Svecos, quod Galli, contra quam conventum erat, hujus æstatis exordio, auxiliis in tempore non submissis, ipsis omnem hostium paratum transmisissent, iniquissimo animo tulisse; Idque Oxenstirnum exprobare ausum: Eundemque Gallos induciarum cum hostibus mentionem injicientes, tamque exercitiosa suadentes, repulisse. Et dum hi Catholicorum, illi Protestantium causam, per aperta per occulta fovent juvantque: ex aliorum iurgiis ipsis quoque mutuum incalescunt: atque ita, qui suspicionibus premuntur, vicissim suspiciantur: et dum timentur, timent. Denique musitatur, Aliam Gallicam intumescere, decumanis mox fluctibus agitandam.

Non sufficere ultra tot impensis Regnum. Cardinalem præterea occulto omnium Ordinum odio, & Italici Belli invidia flagrare. Quod si verum est, certe suis ipsis consiliis & justæ nemesi id odium debet Cardinalis Memini, cum Lutetia essem, paulo post Regis & Richelii mortem, omnes Librariorum tabernas acerbissimis in hunc, famosissimisque libellis plenas fuisse. Incentorem belli, tributorum auctorem, Regis Regnique perniciem sublatam, misera lætitia sibi quisque gratulabantur. Ac sane si Reginæ, Mazarino, Principibusque tunc animus & consilium fuisset, bello etiam ubi ex voto procedit, luctuosissimo finem imponere, populumque tributis levare; sapientissime Richelius, odii publici victima objiciebatur, præteriorum illi malorum culpa, reparatæ contrâ pacis decore Reginæ adstruncto. At vero postquam pace potius Bellum, & instare coepitis, urgere successus, & quod huic consequens est, continuare tributa, sine quibus bellum haberi nequit, visum est, inconsultum certò fuit permittere, in alio tanta licentia prædamnari, quod mox ipse facturus erat, tanto utique flagrantiorum periculo odiorum, quanto mitius Imperium sub novo Ministro sperabatur.

Si sub his furiis vapulant Galli; profectò neque Svecis desunt secretæ curæ, quæ magnis illis, præfidentibusque animis aliquem futuri metum in jicere possunt. Gallis magnitudinem suam invisam & suspectam, eoque incertam illorum amicitiam, atque ubi bellum durabit, in apera forsitan olim odia desitaram, haut ex vano suspicio est. Danus nuperis injuriis damnisque irritatus coacta Fœdera non diutius observabit, quam necessum erit. Tam variae ac penè contrariae actiones extremâ senectâ regna sua obeuntis, Batavos missa extra ordinem, nullis apertis causis, legatione demerentis, militem exauctorantis, & eodem tempore alium legentis, inquietos, magnisque motibus agitatos spiritus produnt. Polonum ætate & morbis inva-

lidum, novæ uxoris nuptiis irretitum, contumaciter refragantibus Regni Proceribus, bellum in Turcam, quod præ se fert, moliri, vix illa ratio est, quæ persuadeat: promptius credere est, obtenu Turcæ alia agitare. Et quidni Sveci suspecta habeant arma sibi ex veteribus novisque causis semper æmula? Cum Moscovia nuper sancta amicitia. Sed quæ securitas esse potest in Barbaro fidem utilitate metiri affveto? Brandenburgicum Eleætorem & quicquid Principum, liberorumque populorum mari Baltico prætenditur, ipflos denique Batavos Pomeraniæ restituionem, per aperta per occulta moliri non ignorant. Hæc omnia sicut Cæsareanæ factioni lœta, ita, quo magnæ spei plurimum metus admistum esset, factum est inprospero ad Francofurtum casu, quo Cetholicus Exercitus, quanquam viribus superior, castris immunitus, & omni copia affluens, eripi sibi arcem, commeatum, Mœnum & Franconiam, pudendâ negligentiâ passus est; quam imprudentiam summas illarum partium difficultates consecuturas credi par est. Ego istud sapientissimo Summi Numinis consilio evenisse credo, ut ubique esset quod sperent, quodque vicissim timeant omnes, ideoque à fortuitis bellorum intutum res suas subducere adlaborarent. Verum id tam cito vix continget, quin nobis

aliam decerpere dicum
atque alias tractare rosas

liceat. Vale Nobilissime & Sapientissime Scaliger, & me ama, Monasterii
3. Calend. Septembr.

EPISTOLA III.

SCIPIONI SCALIGERO S. P. D.

Ex quo postremas meas ad te dedi, duas hic res minimè omnium expectatae provenerunt. Nam statim atque Protestantium Responsum ad Catholicorum Declarationem Cæsareanis traditum fuit (quod factum fuit VIII. Cal. Septemb.) Comes Trautmansdorffius ad veteres artes configiens, denuo Gallos, novis conditionibus propositis, aggressus est; Et aliquando post idem Trautmansdorffius hic, Osnabrugæ Lambiergus, Protestantibus ad se vocatis denunciârunt; adeo iniquum Catholicis visum illorum responsum, ut nisi prius immoderata refecentur, nullus Tractationi locus super sit. Mirum sane erat, difficillimo & uti videbatur, alienissimo tempore, quo pessime res Catholica habebat, circumvento Catholico ad Francofurtum Exercitu, belloque in ipsa Bavariæ viscera promoto, Trautmansdorffium rei prospere conficiendæ fiduciam concepisse, et Catholicos nullis rerum suarum adversitatibus fractos, æquiores à Protestantibus concordia leges prope minitantes efflagitasse. Subibat omnium animos tacita cogitatio, unde suborta audentia? quæ spes? quæ perfidiae ratio, in præcipitistantibus? sed plerorumque conjectura fuit, prævidisse Trautmansdorffium ardorem & fortunam Svecorum, aliquot mensium mora à Gallis tardatum, postquam fistine nequierat, malignam illorum curam invidiamque minime effugituram. Eamque ob rationem, hoc potissimum tempore denuo Pacis negotium proposuisse, quo prominere nimium Svecorum fortuna, atque adeo æmulationi parati or videbatur, Catholicis transigendi negotii haud dubia spes animos addebat: & fassus mihi postea est, è Cæsaris Legatis hauc postremus, Gallos Cæsareanis acriter exprobare nimiam facilitatem; plus aquo Hereticis concessum, & iniqua postulantum audaciam constanza repellendam. Neque dubito adesse hortamenta secreta, Catholicis opem atque auxilium Regis Christianissimi magnifice promittentium.

Sive